

**Cynhaliwyd:** 26 Chwefror 2016

**Aelod / Swyddog Arweiniol:**

**Awdur yr Adroddiad:** David Shiel

**Teitl:** Swydd Partneriaeth Gymunedol

- **Am beth mae'r adroddiad yn sôn?**

*Y potensial i sefydlu Swydd Partneriaeth Gymunedol ar gyfer rhan ddeheuol yr Ardal o Harddwch Naturiol Eithriadol mewn partneriaeth â Chyfoeth Naturiol Cymru.*

- **Beth yw'r rheswm dros lunio'r adroddiad hwn?**

*Mae angen penderfyniad ynghylch gwneud adnoddau ar gael i roi arian cyfatebol at Swydd Ardal o Harddwch Naturiol Eithriadol – Cyfoeth Naturiol Cymru ar y Cyd.*

- **Beth yw'r Argymhellion?**

*Argymhelliad - bod y Cyd-bwyllgor yn darparu adnoddau i roi arian sy'n cyfateb i gyfraniad Cyfoeth Naturiol Cymru at Swydd Partneriaeth.*

- **Manylion yr Adroddiad.**

Cafodd Ardal o Harddwch Naturiol Eithriadol Bryniau Clwyd ei hymestyn i gynnwys Dyffryn Dyfrdwy yn 2011, gan ychwanegu 230 cilomedr sgwâr yn ychwanegol at yr Ardal o Harddwch Naturiol Eithriadol. Mae ardal yr estyniad yn cynnwys cymunedau Wreccsam, sef Cefn Mawr, Mwynglawdd, Pen y Cae, Trefor a Froncysyllte.

Ers 2011 nid oes unrhyw adnodd staffio ychwanegol wedi bod i helpu ddatblygu cysylltiadau gyda'r cymunedau hyn i gwrdd â'r potensial i ddatblygu gwaith prosiect. Felly, mae'n fwy anodd i'r cymunedau hyn gael mynediad at y manteision a ddaw yn sgil bod yn rhan o'r Ardal o Harddwch Naturiol Eithriadol.

Ar hyn o bryd mae gan yr Ardal o Harddwch Naturiol Eithriadol drefniant partneriaeth gyda thimau gweithredol Cyfoeth Naturiol Cymru yn rhan ganolog Bryniau Clwyd, o amgylch ystâd goedwig Cyfoeth Naturiol Cymru ym Moel Famau, Nercwys a Llangwyfan. Mae'r bartneriaeth wedi cael Swydd Ceidwad Cymunedol wedi'i hariannu ar y cyd ers 2002, yn canolbwyntio ar y meysydd hyn.

Mae'r swydd wedi bod yn llwyddiannus wrth ddatblygu nifer o brosiectau cymunedol o amgylch bioamrywiaeth, pobl ifanc ac ysgolion, sgiliau a gwelliannau mynediad, ac wedi cyrraedd cymunedau yn Sir y Fflint a Sir Ddinbych.

Mae yna botensial i ehangu'r bartneriaeth hon i Ddyffryn Dyfrdwy am gyfnod o 2 flynedd ac i greu Swydd Ceidwad Partneriaeth i weithio'n benodol gyda chymunedau o rannau newydd yr Ardal o Harddwch Naturiol Eithriadol. Mae Cyfoeth Naturiol Cymru wedi dyrannu adnoddau a fyddai'n ariannu swydd yn rhannol ac yn awyddus i ehangu'r bartneriaeth i'r rhan ddeheuol o'r Ardal o Harddwch Naturiol Eithriadol.

- **Sut mae'n cyfrannu at Flaenoriaethau Cynllun Rheoli Ardal o Harddwch Naturiol Eithriadol Bryniau Clwyd a Dyffryn Dyfrdwy?**

Byddai'r Swydd yn caniatáu i'r Ardal o Harddwch Naturiol Eithriadol ddatblygu gwaith prosiect gyda'r cymunedau yn y rhan newydd o'r Ardal o Harddwch Naturiol Eithriadol, yn arbennig Cefn Mawr, Pen y Cae, Trefor, Y Waun, Froncysyllte, Llangollen a Chorwen.

Byddai allbynnau penodol yn cynnwys:

*Datblygu Ceidwaid Ifanc ar gyfer Dyffryn Dyfrdwy  
Cyfleoedd i wirfoddoli  
Hyfforddiant mewn sgiliau traddodiadol  
Prosiectau cadwraeth bywyd gwyllt cymunedol.  
Prosiectau ysgol  
Gwelliannau mynediad - teithiau cerdded cylchol*

- **Faint fydd hyn yn ei gostio a sut y bydd yn effeithio ar wasanaethau eraill?**

Cyfanswm Cost Swydd Ceidwad y flwyddyn - £24,000

Cyfraniad Cyfoeth Naturiol Cymru £12,000 y flwyddyn am ddwy flynedd  
Ceisir gan Ardal o Harddwch Naturiol Eithriadol - £12,000 y flwyddyn am ddwy flynedd

- **Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.**

*Mae asesiad o effaith ar gydraddoldeb yn asesu effaith debygol ein penderfyniadau ar bobl sy'n rhannu nodweddion a ddiogelir. Mae angen asesiad o'r effaith ar gydraddoldeb er mwyn i'r cyngor gydymffurfio â Deddf Cydraddoldeb 2010, a dylid eu cynnal ar gyfer unrhyw benderfyniad neu gynnig ar gyfer newid. Er enghraifft: polisi / gweithdrefn newydd neu ddiwygiedig; cynllun strategol newydd; cynnig*

*arbediad effeithlonrwydd; ail-strwythuro staff, ac ati), er nad yw'r rhestr hon yn gynhwysfawr o bell ffordd. Yn y bôn dylem asesu effaith bosibl unrhyw benderfyniad a fydd yn cael unrhyw effaith ar ein cwsmeriaid neu ein staff, i sicrhau bod y cyngor yn cyflawni ei ddyletswydd i:*

- *ddileu gwahaniaethu anghyfreithlon, aflonyddu ac erledigaeth;*
- *hyrwyddo cyfle cyfartal rhwng pobl sy'n rhannu nodweddion a ddiogelir a'r rhai nad ydynt yn rhannu nodweddion a ddiogelir; a*
- *meithrin cysylltiadau da rhwng pobl sy'n rhannu nodweddion a ddiogelir a'r rhai nad ydynt yn rhannu nodweddion a ddiogelir.*

*Ewch ar y Fewnrwyd am arweiniad ar Asesiad o'r Effaith ar Gydraddoldeb, neu cysylltwch â Karen Beattie, Swyddog Cydraddoldeb Corfforaethol, am ragor o gyngor.*

- **Pa ymgynghoriadau a gynhaliwyd gyda'r Pwyllgorau Archwilio ac eraill?**  
Amh.

- **Datganiad y Prif Swyddog Cyllid**

Bydd y cyllid ar gyfer y swydd hon yn dod o fewn y gyllideb gyffredinol bresennol. Os caiff ei chymeradwyo, bydd y swydd yn cael ei chynnwys yn y cyllidebau ar gyfer blynyddoedd i ddod a fydd yn gofyn am gymeradwyaeth gyffredinol gan y Cyd-bwyllgor (bydd cyllideb arfaethedig 2016/17 yn cael ei chyflwyno yng nghyfarfod nesaf y Cyd-bwyllgor i'w gymeradwyo).

- **Pa risgiau sydd ac a oes unrhyw beth y gallwn ei wneud i'w lleihau?**

*Dim*

- **Pŵer i wneud y Penderfyniad**

*Mae Adran 101(5) Deddf Llywodraeth Leol 1972 a Deddf Llywodraeth Leol 2000 yn rhoi'r pŵer i Awdurdodau Lleol ddod i gytundeb i gyflawni swyddogaethau ar y cyd gydag un neu fwy o awdurdodau lleol eraill ar ffurf Cyd-bwyllgor.*